

## Aqutsisut nalunaarutaat 2008



## Katuaq – Kalaallit Nunaanni Kulturip Illorsua



## **Aqutsisut nalunaarutaat**

### **Pingaarnertut sammisaq**

Aningaasaateqarfiup siunertaraa Kalaallit Nunaanni Kulturikkut Illorsuaq aallavigalugu Kalaallit Nunaanni kulturikkut inuunerup assigiingissitaartumik, pituttorsimanngitsumik kiffaanngissuseqartumillu suliffeqarfiit, kattuffiit, inuit ingerlatsiviillu suleqatigalugit uummarissarneqarnissaa ineriartortinneqarnissaalu. Aningaasaateqarfiup Nunani Avannarlerni eqqumiitsuliornerup kulturikkullu inuunerup Kalaallit Nunaanni aamma Kalaallit Nunaanni eqqumiitsuliornerup silarsuaata kulturikkullu inuunerup ilisarimanearluarnerulernissaanik siammerterineq peqataaffigissavaa. Aningaasaateqarfiup aamma Kalaallit Nunaata Amerikkallu Avannarliup nunavittaata akornanni kulturikkut suleqatigiinneq siuarsassavaa, tassani ingammik naggueqatigiit inuit tassani najugaqartut eqqarsaatigalugit.

### **Ukiup inernera**

2008-imi amigartooruteqarnek ilaatigut sulisoqarnikkut aningaasartuutunik peqquteqarpoq. Tassani pineqarput sulisussarsiorluni allagarsiinerit, sulisorilikkat nutaat atorfininneranni pisataasa assartorneqarnerat ineqartitsinermullu aningaasartuutit. Aammattaaq 2008-mi siulersuisut nutaat qinerneqarnerannut atatillugu siulersuisunngortunut pikkorissartitsineq aningaasartuutaavoq.


Ukiumi aningaasat kaaviiarnerat ingerlatsinerminngaaneersortaa 0,6 mio.kr.-inik iluanaarutaavoq, pigisat nalingi 1,1 mio. kr.-it aningaasaliissutigineqarsimallutik aningaasallu tigoriaannaat 31.12.2008 1,6 mio. kr.-iupput.

Aqutsisut ukiup inernera naammagisimaarnartutut isigaat.


## Isertitat aningaasartuutillu

2008-mi ataatsimut isertitat aningaasartuutillu ima agguataarneqarsimapput:

| Isertitat 2008                   | t. kr.        |
|----------------------------------|---------------|
| 1 Namminersornerullutik Oqar.    | 4.690         |
| 2 Nuup Kommunea                  | 4.700         |
| 3 Cafetuaq                       | 6.437         |
| 4 Saaffiginnittarfik il.il.      | 467           |
| 5 Ataatsimiitsitsinerit          | 1.473         |
| 6 Nipilersornerit qititsinerillu | 4.363         |
| 7 Filmertarfik                   | 3.313         |
| 8 Kioski                         | 1.572         |
| <b>Isertitat katillugit</b>      | <b>27.015</b> |




| Aningaasartuutit 2008                    | t.kr.         |
|--|---------------|
| 1 Ingerlatsineq nalikilliliinerit ilann. | 6.374         |
| 2 Akissarsiat                            | 9.649         |
| 3 Honorarisiat                           | 2.049         |
| 4 Cafe                                   | 3.436         |
| 5 Saaffiginnittarfik il.il.              | 193           |
| 6 Ataatsimiitsitsinerit                  | 146           |
| 7 Nipilersornerit qititsinerillu         | 2.498         |
| 8 Filmertarfik                           | 2.044         |
| 9 Kioski                                 | 681           |
| <b>Aningaasartuutit katillugit</b>       | <b>27.070</b> |



## Katuap ingerlanneqarnera

Ingerlatsinermut aningaasartuutit ataatsimut katinnerisa takutippaat, Kulturikkut Illorsuup Katuap, suliniutinut sulisunullu aningaasartuutit ilanngunnagit, ingerlannera qanoq akeqarnersoq. Ingerlatsinermut aningaasartuutinut oqaaseqaatit naatsorsuutitut oqaaseqaatit ataanni takuneqarsinnaapput.

| Ingerlatsinermut aningaasartuutit 2008              | t. kr.       |
|---|--------------|
| 1 Eqqiaaneq   | 160          |
| 2 Atortorissaarutit                                 | 448          |
| 3 Angalanermut aningaasartuutit                     | 266          |
| 4 Avataaniit sulinneqarneq                          | 2.018        |
| 5 Allaffissorneq/illumut akiliutit                  | 1.914        |
| 6 Biileqarnermut aningaasartuutit                   | 89           |
| 7 Nalikilliliinerit il.il.                          | 610          |
| <b>Ingerlatsinermut aningaasartuutit katillugit</b> | <b>5.505</b> |



## **Ukioq ataatsimut isigalugu**

Katuap aqutsisuisa 2008 ukiutut pissanganartutut isiginnaartitsinerup qitinnerullu, nipilersortitsinerit, eqqumiitsulianik assilissanillu saqqummersitsinerit, assassorluni eqqumiitsuliat sanalukkallu tungaasigut kulturikut aaqqissuussanik amerlasuunik soqutiginarunik pisoqarfittut nalilerpaat. Katuap aamma filmertitsinerit, workshopertitsinerit, pikkorissartitsinerit, ataatsimiititsinerit, innuttaasunik ataatsimiititsinerit, ilaseqatigiissitsinerit il. il. qitiuvoq. Ukiup nutaap aallartinnerani kommuunip aaqqissugaanik "Arctic Winter Cities" nunarsuarmi illoqarfinnit assigiinngitsorpassuarneertunit peqataaffigineqartoq pivoq. Ukiup sinnerani ataatsimiisitsinerit arlallit annertuut pippu, soorlu Tele Postip aaqqissugaa "Sarfarisq" aamma IASSA'p ataatsimiisitsinera augustip qaammataani pivoq. Katuap siulersuisuisa iliuusissatut suliniutaa 2006-imi aallartinneqartoq, 2007-imilu iliuusissatut timitalersugassatullu pilersaaruserlugu timitalersorneqalersoq, 2008-mi nanginneqarpoq, tassanilu iliuuseqarfigisassatut pingaarnertut siunniunneqartoq aqutsisut nalunaarutaanni massumani kalluarneqartassappu. Iliuusissatut pilersaarut 2009-miit 2012-imut tunngatillugu siulersuisunit aamma nalilersorneqaqqinnikuvoq.

## **Siulersuisut 2008-mi katitigaanerit**

Siulersuisuni ilaasortat 2008-mi ukunangga inuttaqarput:

Siulittaasoq Michael Skourup, Kalaallit Nunaanni Takornariaqarnermi Inuussutissarsiornermilu

Siunnersuisoqatigiinnit toqqagaq

Siulittaasup tullia Juana Petrussen, eqqumiitsuliortut kattuffiannit toqqagaq

Kim Godtfredsen, Nuup Kommuneani toqqagaq

Inge Olsvig Brandt, Kalaallit Nunaanni Naalakkersuisunit toqqagaq

Conny Rasmussen, Katuamit sulisunit toqqagaq

Anders Berndtsson, alaatsinaatsoq Nordisk Ministerådimit toqqagaq

Siulersuisut 2008-mi arfineq-marloriarlutik Nuummi ataatsimiippu. Taakkua saniatigut siulersuisut siulittaasoqarfiat ingerlaavartumik Katuami qullersanik ataatsimeeqateqartarpoq.

# Immikkut ittumik toqqakkat pillugit nalunaarut

## Kulturi uumassusilik

### Nipilersorneq

#### Erinarsortartut nipilersortartullu ataasiakkaat nipilersornikkut misigisassarsiorfigisat amerlasuut

Ukiup ingerlanerani nipilersortartut assigiinngiaarpasuit misigisassarsiorfigineqarsinnaasimapput, Katuallu nipilersortartunik assigiinngissitaartunik tusarnaartitsinnaassutsiminik tusaamasaani uppersaqqippaa.

Rockertoqarpoq, jazzertoqarpoq, poppertoqarpoq, operartoqarpoq, nipilersugassarsuarnik qangatoortunik tusarnaartisisoqarpoq, erinarsoqatigiinnik tusarnaartisisoqarpoq, kalattoortoqarpoq allarpassuarnillu tusarnaartitsisoqarluni. Nipilersortartut, erinarsortartut ilinniartullu tusarnaarianeqarnerpaat ilaatigut tassaapput; Aasianneersut Inneruulat, Liima Inui, Sonnet, Arne aamma Magdalene Heilmann, Erinarsoqatigiit Kangiata Akisunnera, Nipilersornermut Ilinniarfiup ukiaanerani tusarnaartisinera, Nordisk Koncertkorikkut tusarnaartitsinerat Nipilersornermut Ilinniarfimmilu ilinniartut tusarnaartitsineri arlallit, Anda Uldumip Jan Hilmerillu meeqqanut tusarnaartitsinerat, Atlantic Musicip Festivalertitsinera Angumit, Rasmus Lyberthimit, Julie-mit, Junomit, NIPE-kkunnit, Zikazakkunnit il. il. peqataaffigineqartoq.

### Atlantic Music Festival

Nutaatut pisoq taaneqarsinnaasoq tassaavoq Atlantic Musicip Festivalertitsinera, Katuap Atlantic Musicillu, 2008-mi ukiunik qulinngortorsiorluni nalliuttorsiorput, suleqatigiinnerisigut pilersinneqarpoq. Festivaalerner-ni nipilersortartut erinarsortartullu Kalaallit Nunaanni pitsaanerpaat arlallit peqataapput, festivaalillu annertpaartaa Nuummi Illorsuarmi Timersortarfimmi ingerlanneqarpoq, Katuamilu Hans Lyng Inersuani nalliuttorsiorluni tusarnaartitsineq ingerlanneqarpoq. Festivaalernerq assorsuaq iluatsippoq, suleqatigillu akornanni siunniunneqarpoq siunissami annikinnerusumik aqqissuussilluni taamatut ilioqqinnissaq isumaqatigiissutigineqarpoq.

### Kim Larsenip angalanera

Erinarsortartup nuannarineqaqisup Kim Larsenip Katuaq tikeraarpaa, Inussivimmilu Katuap aqqissugaanik tusarnaartitsilluni. Kim Larsenip Katuami tusarnaartitsinissani sioqqullugu nipilersoqatini ilagalugit Ilulissaniil-lunilu Sisimiuniippoq, tassanilu tusarnaartitsinerit aamma ulikkaarlunnarneqarsimapput.

### **Det Kongelige Teaterip operamik tusarnaartitsinera**

Den Kongelige Operami erinarsortartut tusaamaneqarnerpaat arlallit 2008-mi Katuaq tikeraarpaat, tassanilu Hans Lyngep Inersuani unnukkut operamik nuannerluinnartumik tusarnaartitsillutik, tusarnaartitsineq operamik erinarsorluni isiginnaartitsisartumit Henrik Engelbrechtimit ilisaritinneqarpoq. Tusarnaartitsineq ukiuni pingasuni, Det Kongelig Teaterip Katuallu suleqatigiinnissamik isumaqatigiissutaata naggataarutiginerivaa, isumaqatigiissut taanna 2006-imi isiginnaartitsinermik aallarnerneqarpoq, 2007-imi balletertoqarpoq 2008-milu pikkunarnerpaaffimmini operamik naggaserneqarpoq.

### **Tórshavnar Stórbandikkut Nuummiinnerat**

Tórshavnar Stórbandikkut Savalimmiuneersut 20. september Katuaq tikeraarpaat. Nipilersoqatigiit Nuummi Nipilersornermut Ilinniarfiup Savalimmiuni assignanik taaneqarsinnaapput savalimmiormiunik big bandimik nipilersortartut. Tusarnaartitsineq Savalimmiormiunik ilaqutaannillu Nuummi najugalinnik orningarluarneqaaq.

### **Niels Borksand naggammik Kalaallit Nunaanniinnera**

Sinfoniette Arctica Niels Borksandimit siulersorneqartoq septemberip qaammataani ukiuni 40-ngajanni Kalaallit Nunaanni tusarnaartitsiartortareerluni naggammik kusanartumik Katuami tusarnaartitsivoq. Angalaarnermi kingullermi tikitat tassaapput Alluitsup Paa, Nanortalik, Qaqortoq, Aasiaat, Akunnaaq og Nuuk. Katuami tusarnaartitsinermi Mozartip, Händelip Tjaikovskyllu erinniaanik kiisalu kalaallit erinarsuutaannik Henrik Lundimit il. il. erinniorneqarsimasunik nipilersugassianngorlugit aqqissuunneqarsimasunik tusarnaartitsisoqarpoq. Tusarnaartitsinermi Kalaallit Nunaanni qarlorartartutuaq Arnannguaq Gerstrøm peqataavoq, kgl. kammersangerilu Stig Fogh Andersen Katuami tusarnaartitsinermi pineqartumi erinarsoriartorluni tikippoq.

### **Michala Petrip Lars Hannibalillu angalanerat**

Michala Petri aamma Lars Hannibal Sisimiuni Ilulissanilu torrallaaqalutik qanganitsanik nipilersorlutik tusarnaartitsipput. Nuummi tusarnaartitsinissaagaluq silamik peqquteqartumik taamaatiinnarneqarpoq.

### **Erinarsoqatigiit**

Kiisalu minnerunngitsumik Nuup illoqarfiata nammineerluni erinarsoqatigiviivi arlaleriarlutik Katuami aqqissuussinernut tikeraanit avataaneersunit maanilu innuttaasunit nuannerineqaqisumik tusarnaartitsiartortarput. Arctic Winter Citiese qarmat Nuullu Sapaatip Akunnerani Kulturisiorfimmi erinarsoqatigiit erinarsorput.

### **Innaarsummiut Nuummut tikeraarnerat**

Illoqarfinit allanit Katuamut tikeraartut tassaapput meeqqat Upernaviup pigisaani Innaarsunneersut. Meeqqat Katuap inersuaaraani erinarsorlutik, nipilersorlutik kalattoorlutillu piukkooqalutik nuannaarlutillu tusarnaartitsillutillu takutitsipput.

2008-mi nipilersornermik aaqqissuussinerit 43-pput, tusarnaartitsinerit 69-it inunnit 17.547-nit peqataaffigineqartut. Tusarnaartitsinerit 26-t illoqarfinni ataasiakkaani nipilersortarfinnik suleqateqarluni Katuamut aaqqissuunneqarput.

## **Isiginnaartitsineq qitinnerlu**

### **8. marts Arnat Ulluat**

Isiginnaartitsinerup ukiua isiginnaartitsisartunit arnanit isiginnaartitsisartut kattuffiannit KAISKA-meersunit quianartunik isiginnaartitsilluni Arnat Ulluanni 8. martsimi aallarnerneqarpoq. Makka Kleist, Else Danielsen aamma Bendo Schmidt kalaallit quiasaariaasiat isiginnaartitseriaasiallu nuannersumik isiginnaartitsissutigaat, isiginnaartitsinerlu ornigarneqarluarpoq. Ullorlu taanna Nina, Julie aamma Kimmernaq tusarnaartitsipput.

### **Jeppu Qaqqarmiut Nuummut Taseralimmullu**

Tamatuma kingorna isiginnaartitsissutit tulleriaarlutik takutinneqarput, Jeppelu Qaqqarmiu aprilimi Preben Harris pingaarnertut inuttaralugu Kalaallit Nunaannut tikippoq. Isiginnaartitsissut Katuap Sisimiuni kulturikkut illorsuartaamut Taseralimmut ingerlateqqippaa.

### **Nunarsuarmi torullit mikinersaat**

Meeqqanut isiginnaartitsissutip "Nunarsuarmi torullit mikinersaat"-a, kalaallisut nutserneqarsimasup kalaallisullu isiginnaartitsisartumit Else Danielsenimit oqaasertalersorneqartup, isiginnaartitsissutiginnissaa aamma piffissaqarfigineqarpoq. Isiginnaartitsissut Nuup Kommunea suleqatigalugu Nuummi meeqqerivinnut tunineqarpoq.

## **Gi Mi Tigumm**

Silamiut musicaliliaat "Gi Mi Tigumm" Katuami majip qaammataani ulikkaavilluni takutinneqarpoq. Kalaallit Nunaanni 50'ikkunni pissutsit aliannaartitsippot erinarsuutillu inuusuttunit erinarsornermik piginnaasaqqortuunit isiginnaartitsineramik ilinniarsimangitsunik inuttaqartinneqarput.

## **Saamit isiginnaartitsisartut Rasmus Lyberthillu meeqqanut isiginnaartitsissusiaa**

Baivvas Sámi Teaterip isiginnaartitsissut "Den rimhårede drømmeseeren" majip qaammataani isiginnaartitsisartut 17-it atisagissaartut kusarnartumillu isiginnaartitsiffeqartut takutippaat. Juunimi "Det hungrende bæst" Katuap Inersuaaraani takutinneqarpoq, tassani Rasmus Lyberth, Peter Seligmann aamma Christian Søggaard meeqqanut meeqqat atuarfianni atuartunut sungiussisimarpalullutik isiginnaartitsippot.

## **Didap qitittartui Katuami aamma napparissumik qitinnermik takutitsisut USA-meersut**

Didap qitittartuutai 10. maj Inersuaaqqami ornigarneqarluartumik qitillutik takutitsippot, juunimilu qitinnermik ilinniartut Wyomingimi, USA-miittumi, ilinniartut allunaasaq atorlugu nutaaliaasumik pituttorsimangitsumik aalallutik qitinnermik takutitsippot.

## **Perngaammik ilitersuisup isiginnaartitsissusiaa Malugisarpara**

Isiginnaartitsissut "Malugisarpara" augustip aallartinnerani Hans Lyngep Inersua ulikkaavillugu isiginnaariartoqarluni isiginnaartitsissutigineqarpoq. Pipaluk Kreutzmann Jørgensenip ilitersuisutut siullerpaamik saqqummernera inuttaa nammineq, kalaallit inuusuttut sunngiffiminni isiginnaartitsisartut minnerunngitsumillu Pilu Lyngep erinniai taalliaalu Kimmernamit erinarsorneqartut pequtaallutit iluatsilluarterojussuuvoq. Katuap isiginnaartitsissummut siunnersuisutut inissisimavoq aningaasatigullu ikorfartuilluni. Katuap ajorna-runnaarsippaa isiginnaartitsissutip ukiakkut illoqarfinnut arfineq-marlunnet anglaartinneqarnissaa.

## **Polaroid tupinnartoq takoqqillugu**

Nuannarineqaqisumik qitinnermik takutitassiaq "Polaroid" Jo Strømgrenimit ilitersuisuuffigineqartoq augustip qaammataani takutinneqaqqippoq, siullermik Taseriammi kingusinnerusukkullu 22.-24. august Katuami. Qitilluni isiginnaartitsissut aammaarluni ulikkaavilluni isiginnaariarpassuarnit takuniarneqarpoq Katuamilu takuteqqinneqarnerata kingorna nunarsuaq tamakkerlugu angalaarunneqarpoq, Nunanut Avannarlernut, Europamut USA-mullu, nunanilu taakkunani isiginnaarianit nuannarineqarsimaqaluni. Polaroid NAPA suleqatigalugu Katuami takutinneqaqqippoq.

### **Niviarsiaraq aallartoq aamma Tillinniaq ukioq naggaserpaat**

Ukiaq ingerlanerani isiginnaartitsinerit nangillugit isiginnaartitsissuti "Niviarsiaraq aallartoq" Teater Lampek-kunnit DK-meersunit isiginnaartitsissutigineqarpoq. Isiginnaartitsissut Katuami Taseralimmilu takutinneqarpoq. Decemberimi Silamiut juullerpaluttumik isiginnaartitsissumik "Tillinniaq-julegavetyven"-imik taaguutilik meeqqanut 4-5-inik ukiulinnut naatsorsuussaq isiginnaartitsissutigaaat.

Taamaasilluni 2008 Katuamut ukiuvoq isiginnaartitsinerpassuarni qitinnerpassuarnillu takutitsiviusoq.

Isiginnaartitsissutit katillugit quliupput katillugillu 24-riarlutik takutinneqarput inunnillu 8.845-nik isiginnaariarneqarlutik. Isiginnaartitsissutit arfineq-marluk sinerissami isiginnaartitsissutigineqarput.

### **Saqqummersitsinerit**

Katuaq 2008-mi saqqummersitsinernut assigiinngitsunut assigiinngitsumillu angissusilinnut saqqummersitsiviuvoq.

#### **Nuuk Foto Klub**

Nuuk Foto Klubip ukiumoortumik unammisitsinera januaarip qaammataani aallarniutigineqarpoq februaarip martsillu qaammataani Austraaliamiut inoqqaavisa eqqumiitsuliaannik saqqummersitsinermik malitseqartinneqarluni.

#### **Meeqquerivik Sikkersoq**

Martsip qaammataani meeqqerivik Sikkersoq Nuussuarmiittoq Katuap paarlersuani meeqqat eqqumiitsuliaanni qalipaatigissuni saqqummersitsivoq.

#### **KIMIK'-up upernaakkut saqqummersitsinera**

Kimik upernaakkut 11. aprilimiit 11. majimut saqqummersitsivoq, eqqumiitsuliortut arfineq-pingasut ilaatigut tassaasut, Buuti Pedersen, Ivalo Abelsen, Niels Motzfeldt allallu saqqummersitsipput. Kimiup upernaakkut saqqummersitsisarnera ukiut tamaasa pisarpoq Katuap Kimiullu ukiuni pingasuni isumaqatigiissutigiiissutaannik tunngaveqartoq. Eqqumiitsuliortoq Frederik Kristensen, Kunngimik taaneqartartoq, majip qaammataani saqqummersitsivoq saqqummersitsinermillu aammaanersiornermi saqqummersitsinerlu tamakkerlugu soqutiginnittorpassuaqarpoq. Kunngip eqqumiitsuliai sisamat Katuap ikinngutaanit Katuamut tunissutitut pisiarinneqarput.

### **Eqqumiitsuliornermik Ilinniarfik**

Eqqumiitsuliornermik Ilinniarfimmi ilinniartut juunip qaammataani soraarummeerutiminnik takuniarneqarluartunik eqqumiitsuliortunit piukkunnartunit nutaanit eqqumiitsuliarineqarsimasunik saqqummersitsipput.

### **Aasaanerani saqqummersitsineq**

2008-mi aasaanerani saqqummersitsisuuvoq kalaaleq inuussuttoq eqqumiitsuliortoq Maria Paninguak Kjærulf, Nuummi Eqqumiitsuliornermik Ilinniarfimmi, Nova Scotia College of Art and Design Universitymi Canadamiittumi aamma Cooper Union School of Artimi Neq Yorkimittumi ilinniarsimasoq.

### **Katuami Tjekkiamiut Ullui**

Aasap kingorna Martin Velíšekšip Knud Rasmussenip Kalaallit Oqaluttuaannik Unikkaavinillu atuakkiaa tjekkiamiusuunngortitaq assiliartalersugaq saqqummersinneqarpoq. Saqqummersitsineq "Tjekkiamiut Kalaallit Nunaanni Ullui" 3.-7. septemberimi saqqummersinneqartunut ilaavoq, saqqummersitsinerlu Tjekkiap Københavnimi aallartitaqarfiata Katuallu suleqatigiinnerisigut piviusunngortinneqarpoq.

### **Eqqumiitsuliortut allat Katuami**

Jens Kromanni Danmarkimeersoq qalipakkaminik ilisarnartuliaanngitsunik qalipaategissunillu septemberimi saqqummersitsivoq, saqqummersitsinerlu taanna oktoberimi saqqummersitsissummit "Nivarsiaq-Kalaallit Nunaat Tarninga"-nik malitseqartinneqarpoq, taanna eqqumiitsuliortut Gerda Nitzerip Kristian Mainzillu naasunik qalipagaannik assilisaannillu tupinnartunik saqqummersitsineruvoq kalaallip atuakkiortup Aajup taal-liaannik ilaqartoq. Saqqummersitsineq atuakkanik naqiterisitsisartoq Inger Hauge suleqatigalugu piviusunngortinneqarpoq.

### **Meeqqat eqqumiitsuliaannik saqqummersitsineq**

Decemberimi meeqqat eqqumiitsuliaannik meeqqerivinnit Sulunnguineersunit Meeqqat Illuanneersunillu, "Tumeeqqat – meeqqat tumiliorput"-mik taaguutilimmik, eqqumiitsulianik takorluukkarsaarfiulluortunik isumassarsiorfiulluortunillu saqqummersitsisoqarpoq.

### **Atit –Jørgen Chemnitzip assilisaanik saqqummersitsineq**

Januar 2009 aallarnerlugu assiliisartup Jørgen Chemnitzip Ittoqqortoormiuni innuttaasunik assilisai saqqummersinneqarput. Saqqummersitsinerlut atatillugu atuagaq "Bamsi utaqqitillugu" saqqummersinneqarpoq Katuallu saaffiginnittarfiani tuniniarneqalerluni.

### **Saqqummersitsinerit**

2008-mi saqqummersitsinerit aqqaniliupput, inuillu 47.488-it missaat takuniaasimanissaat ilimagineqarpoq.

## **Filmit**

Katuap filmertafia 2008-mi filminik takutitseqqaarfittut immikkoortiterinermi A-tut inissisimanini nangippaa.

Filmit assigiinngitsut meeqqat filmklubbianni takutinneqarput filmertitsinernullu taakkununga inuit 549-t filmeriarput. Katuaq "Kalaallit Nunaanni Tjekkiiamiut Ulluinut" atatillugu Tjekkiiamiut filmiinik sisamanik, inunnit 207-init takuniarneqartunik, filmertitsivoq. 2008 aamma tassaavoq Sermitsiaq suleqatigalugu ukioq Knud Rasmussenip oqaluttuarisaanermi filmilaaq takuniarneqaqisunik marlunnik filmertitsiviuvoq. Sermitsiap nalliuttorsiorluni filmertitsineranut atatillugu filmit sisamat akeqanngitsumik takutinneqarput.

2008-mi Katuami filmit tallimat isiginnaariarneqarnerpaat tassaapput:

- |   |                        |
|---|------------------------|
| 1. Indiana Jones og krystalkraniets kongerige | isiginnaariat 2.440-t  |
| 2. Batman the Dark Knight                     | isiginnaariat 1.801-it |
| 3. Hancock                                    | isiginnaariat 1.781-it |
| 4. Knud Rasmussen pillugu filmi               | isiginnaariat 1.649-t  |
| 5. James Bond: Quantum of solace              | isiginnaariat 1.604-t  |

### **Filmertitsinerit**

Filmit assigiinngitsut 109-t filmertitsinerni 737-ni inunnit 56.277-nit takuniarneqartut takutinneqarput.

## **Ataatsimiinnerit ataatsimeersuarnerillu**

2007-imut naleqqiullugu 2008-mi ataatsimiinnerit ikinnerupput, kisianni suliffeqarfissuit angisuut ataatsimiinnerillu annertuut pipput, soorlu NAPA Polaroidimut atatillugu, Air Greenland, Tele Post, Eskimo Management, Nuup Kommunea, ICASS-ip ataatsimeersuartitsinera kiisalu Juullip Nipitittagaata Aningaasaateqarfia. Ataatsimiinnerit ataatsimeersuarnerillu Katuap ingerlanneqarneranut sammisaqarneranullu suli annertusiar-tortitsipput.

Ataatsimiinnerit ullormik ataatsimik sivilissusillit, isumasioqatigiinnerit, ilaseqatigiissitsinerit, qaaqqusinerit, oqalugiartitsinerit assigisaallu 90-it ingerlanneqarput, kiisalu ataatsimeersuarnerit pikkorissarnerillu ullormik ataatsimik sivilissusillit 26-iusimallutik. Taakkunani inuit 7.300-t peqataapput.

## **Nunat tamalaat akornanni suleqatigiinneq**

2008-mi aalajangiunneqarpoq, Boliviamiut 2009-mi Kalaallit Nunaannut tikeraaqinnerat Kulturikkut Illorsuarmut Taserallimmut ingerlaqqitsinneqassasoq. Kulturikkut illorsuit marluusut akornanni 2009-mi Katuamut Nuummiittumut tikeraarnermut atatillugu isumaqatigiissusiortoqarpoq.

## **Sulisoqarneq**

### **Piginnaasanik ineriartortitsineq**

2008-mi Katuap sulisut arlallit sammisassaqaqfinnut assigiinngitsunut piginnaasanik ineriartortitsinissaq siunertaralugu pikkorissartippai. Sulisoqarnerup tungaatigut iliuusissatut pilersaarutit tassaapput Katuap iluani ineriartornissamut, atuisunik suleqatigisanillu qaffasissumik kiffartuussinissamut sulisunillu atorfeqartitsiinnarnissamik siunertaqartoq tassaavoq Katuap iliuusissatut pilersaarutaasa pingaarnerpaartaat.

### **Aqutsisut ineriartornissamik workshopertitsineq**

Aqutsisut aqutsisuaqqallu tamarmik 11.-12. januar aqutsisut ineriartornissamik workshopimut peqataapput, tassani ilaatigut aqutsisut eqimattanullu aqutsisut qanoq-ittuuneq sananeqarpoq. Workshopertitsinerup siunertaraa suliffeqarfiup "ataatsimut" kiinnertarnissaa kiisalu suliassanik pingaarnersuineq. Workshopertitsineq Kompetancekompagniet Jesper Kreinerimit pigineqartumit tuniarneqarpoq.

### **Sullivimmi avatangiisit pillugit pikkorissarneq**

18.-21. februar 2008 pisarnertut sullivimmi avatangiisit pillugit Katuami isumannaallisaarnermut sinniisoq pikkorissartinneqarpoq.

### **Aaqqiagiinngissutinik iluarsineq**

Ulloq 14. maj qaammammusiallinnut tamanut aaqqiagiinngissutinik iluarsineq pillugu isumasioqatigiissitsisoqarpoq, tassanilu anguniagaavoq aaqqiagiinngissutit sakkortussusaat, misigeqataalluni attaveqatiginneq



### **Sulisunut siunnersortitut ilinniarneq**

Sulisut aqutsisuat martsimiit decemberimut sulisoqarnermut siunnersortitut ilinniarneq immikkoortunut arla-linnut agguataarneqarsimasoq ilinniarfigaa. Ilinniarnerup siunertaraa Katuami sulisoqarnermut tunngasunut tunngasut pikkoriffiginerulernissaat.

### **Pisortap MBA-tut ilinniarnini naammassivaa**

Pisortap MBA-tut ilinniarnini 2008-mi naammassivaa, tassanilu suliaq pingaarneq tassaavoq "Identifying the Key Project Leadership Competencies in Katuaq – the Cultural Centre of Greenland benchmarked against Nordic Cultural Organisations". Pisortaq maj 2009-mi Henley Business Schoolimit, Tuluit Nunaanniittumit, naammassilluni allagartartaassaaq.

### **Sulisut tungaatigut iliuuseqarnerup naliliiffigineqarnera**

2008 ataatsimut isigalugu sulisut piukkunnassusaasa tungaatigut pitsaasuvoq, tamannalu Katuamut iliuusis-satut pilersaarutip imaanut pingaarnernut piviusunngortitsiniarnermut pingaaruteqarpoq.

2009-mi piginnaanngorsaaqqinneq aqutsisut aallarnerfigalugit ingerlateqqinneqassaaq, nalunaarutillu matu-ma allannerata nalaani Katuami aqutsisut tunngaviumik aqutsisutut ilinniarnertik inaarsaleruttorpaat. Sulisut, ulluinnarni sulianik aqutsinermik suliaqartut sulianik aqutsineq pillugu pikkorissartussaapput.

Taassuma saniatigut 2009-p ingerlanerani sulisut tuniaanermut sullissinermullu, qallunaatut ikiueqqaarner-mik pikkorissartitsineq, isumannaallisaarnermi ataatsimiititaliami ilaasortat marluk isumannaallisaaq pillugu kiisalu pikkorissarnerit allat malinnaatitsinerusut pikkorissarfigineqassapput.

### *Sulisut amerlassusaat*

Katuaq 2008-mi qaammammusialik 19-inik sulisoqarpoq agguaqatigiissillugulu tiimimusialinnik 25-nik suliso-qarluni, tassa imaappoq; tassa imaappoq, sulisut katillugit 44-t (ukioq kaajallallugu sulisut katillugit 31-ni).

2008-mi Katuami sulisut angutit arnallu amerlaqatigiipput. Agguaqatigiissillugu atorfeqarsimaneq ukiunngor-lugu angutinut 3,3-uvoq arnanullu 2,7-iulluni.

2008-mi tiimimusiallit tiimit atugaat 14-iupput. 2007-imut naleqqiullugu kisitsit taanna 12-iuvoq.

## Iliuissatut pilersaarut

1. oktober 2007-imiit 16. januar 2008-mut aqutsisut Katuami iliuissatut siunniunneqartutut eqqarsaatigisat aallaavigalugit 2008-mut iliuissatut pilersaarusiortut. 2008-mi iliuissatut pilersaarut Katuap siulersuisuinit januar 2008-mi akuerineqarpoq, iliuissatullu pilersaarut taanna annertunerpaartamigut 2008-mi malinneqarpoq. Ilaatigut Kulturikkut Illorsuup sammisaqarnissaanut tunngasoq piviusunngortinneqarpoq siulianilu eqqartorneqareerluni, ilaatigullu aamma suliffeqarfiup Katuap iluani ineriartortitsisoqarpoq.

### 2008-mi angusat pingaernerit

- Katuami sulisunut pingaarnernut iliuissatut pilersaarut aqutsisunut atugassiaq qupperarneqarsinnaasoq agguanneqarpoq
- Sulisoqarnerup tungaatigut iliuissatut pilersaarut aallartinneqarpoq atorfinitsitsinermi sulisullu suliaassat tungaatigut iliuuserisartagaannut tunngassuteqartoq
- Aaqqissuussaannikkut tulluarsaaneq 1. december 2008 suliassanik ersarissunik agguataarinniffiusoq naammassineqarpoq
- Attaveqaaqatigiinnikkut iliuissatut pilersaarut: Tusagassiinermik sulianillu aqutsinermik ikiortimik aprilimi atorfinitsitsisoqarpoq
- Tusagassiinerup avammullu tuniniaanerup tungaatigut iliutsit nutaat
- Internetikkut nittartakkap nutaap piareersarnera atuutilersinneralu 1. marts 2009
- Sulisut qupperasagaat nutarsarneqarpoq, Suleqatigiinnermut Ataatsimiititaliap ataatsimiittarnera aallarteqqinneqarpoq
- Aningaasaliisussarsiorneq aningaasaliisunillu attassiinnarneq: NAPA, Air Greenland, Tele Post, Nuuk FM, Nunafonden, Royal Arctic Line
- Taserlik Sermermiullu Air Greenlandimik aningaasaliisutut isumaqatigiisummut ilanngutsinneqarput kiisalu soqutigisaqaaqatigiit attavigiittarnissaannik kulturikkullu illorsuit akornanni suleqatigiinnissaq aallarnerneqarpoq

### Katuaq kulturi pillugu isumasioqatigiinnermut peqataavoq

Katuaq 2008-mi ukiaanerani kulturi pillugu isumasioqatigiinnernut marlunnut peqataavoq. Isumasioqatigiinneq siulleq Eskimo Managementimit Nordlysfondenimillu aaqqissuunneqarsimasoq tassaavoq misigisassarsiorluni isumasioqatigiinneq, Kalaallit Nunaata qallunaat suliffeqarfiinit ingerlatseqatigiiffianillu qanoq-iliorluni suleqateqarnerusinnaanermik isumassarsiorfiusoq.

Taakkua saniatigut Katuaq decemberimi kulturikkut isumasioqatigiinnermut, Kalaallit Nunaanni Kulturikkut Siunnersuisoqatigiinnit aqqissuunneqarsimasumut allamut peqataavoq. Isumasioqatigiinnermi tassani Katuaq Katuaq Katuallu Kalaallit Nunaanni kulturikkut ineriartortitsinnermut inissimanagera pillugu saqqummiussivoq.

Katuap kulturikkut isumasioqatigiinnermi paasivaa kulturikkut pikialaartitsisartut, kommuunerujussuit politikerillu kulturimik ikorfartuerusuttut, kisiannili maannakkuugallartoq tunngavissat aningaasallu killeqartut, kiisalu kattuffiit peqatigiiffiillu sulisoqarnerup aningaasaqarnerullu tungaatigut killeqartut. Katuap pisariaqartutut suli isigaa, kulturip ikorfartornissaanut nunap iluani namminerimi nunallu tamalaat akornanni tunngavissat eqqartorneqarnissaat, tassungalu Katuap kommuunerujussuit aamma Kalaallit Nunaanni Namminersorerullutik Oqartussat suleqatigalugit eqqartuinissaq suli pingaartippaa.

Kulturikkut suliaqartut kattuffiliornissaannik isuma Katuamit tapersersorneqarpoq.

### **2009-mi unammisassat kissaatillu**

Oktober 2009-mi Katuap iliuusissatut pilersaarutaa aqqissugaaneralu tulluarsarneqassapput, taamaasilluni Katuap Kalaallit Nunaanni kulturikkut nukinnik pilersitsiffittut takorluukkani nangissavaa. Tassunga ilanngulugu aningaasaliisussanik aningaasaliisartut maannakkut ilassaannik ujarlertoqassaaq. Tassunga atatillugu oqaatigineqassaaq, Katuap akit najoqqutaralugit aqqiinnermut ukiumoortumik Kalaallit Nunaanni Namminersorerullutik Oqartussanut aamma Kommuneqarfik Sermersuumut qinnuteqaammik nassitsisimammat, taamaasilluni Katuami aqqissuussinernut aningaasanik matussutissanik amerlanerusunik peqartoqalissaaq, taamaasillunilu aamma illorsuup takorluukkami anguniakkamilu piviusunngortinneqarnissaanut aningaasanik amerlanerusunik peqalissaaq.

## **Kalaallit Nunaata Kulturikkut Illorsua I/S**

### **Ataatsimut isigalugu**

Katupa illorsuarta Kalaallit Nunaata Kulturikkut Illorsua I/S-imit (Kommuneqarfik Sermersuumit aamma Kalaallit Nunaanni Namminersorerullutik Oqartussanit pigineqarpoq. Piginnittut tamarmik aqutsisoqatigiinni sinniisoqarput 2003-miillu taamaassimallutik. Aqutsisoqatigiit 2008-mi ataasiaannarlutik 5. september 2008 ataatsimiipput, tamanna Katuaq naapertorlugu, illorsuup aserfallatsaalinnissap tungaatigut suliassanik naammassinninnissamut naammangitsutut isigineqarpoq. Tassami illorsuaq pitsanngorsagassavaoq aserfallatsaa-

liinermullu pilersaarut malinneqartussaalluni, taamaattumik Katuap inassutigaa, Kalaallit Nunaanni Kulturikkut imassutsikkut Illorsua I/S-i qaammatit pingasut allortarlugit ataatsimiittarnissaa.

### **Aserfallatsaaliinermi suliassat**

2008-mi aserfallatsaaliilluni suliat angisuut ilaatigut tassaapput NAPA-mi erngup natermik ajoqusiinerata kingorna nutaanik natilersuineq, isiginnaartitsisarfirmut matut nutaat, natit qisummit sanaat inini arlalinni piusut moreernerat uuliaternerallu, paarlersuup qalipanneqarnera, ikuallattoqalernermik kalerissaarutit aserfallatsaalinerat kiisalu immikkut ittumik silaannarissarfiit aserfallatsaalinerat. Illoqarfimmi Nipilersortartut inaat upernaap ingerlanerani aaqqissuussinermut immikkoortortaqaqfirmut ataatsimoorussamik allaffinngortinneqarpoq illorsuullu matuersaaserfii tamarmik taarsersorneqarlutik.

2009-mi illorsuup saatungaa Namminersornerullutik Oqartussanut sammisoq salinneqassaaq uuliaternqarlu nilu illorsuullu silataa tamarmi qalilpanneqassaaq. Kiisalu silaannarfissarfiit tamarmik misissorneqassapput.

2008-mi aserfallatsaaliinissamut pilersaarut Kalaallit Nunaata Kulturikkut Illorsua I/S-ip ataatsimiittarsimann-ginneranik peqquteqartumik taassumalu aningaasaliissutinik atugassanik akuersissuteqartarsimanerup qularnartoqartitsilerneranik peqquteqartumik naammassineqarsimannngilaq. Katuap kissaatigaa ukiuni qulini aserfallatsaaliinissamut pilersaarutit nalileqqinneqarnissaa, kiisalu aserfallatsaaliilluni suliassanut piginnittunit tamanit aningaasaliissutit aalajangiiffiqineqarnissaat, taamaasilluni Katuap aserfallatsaalinerat atugassarititaasut tunngavigalugit pisariaqartitsinerlu naapertorlugu pisinnaalersinnaaniassammat.

Katuap aamma ilassilluarpa, illorsuup aserfallatsaalinnissaanut ingerlanneqarneranullu Kalaallit Nunaata kulturikkut Illorsua I/S-imut tunngatillugu aningaasartuutit annertusiartortut eqqartorneqarnissaat.

### **Katuap aamma Kalaallit Nunaata Kulturikkut Illorsua I/S-ip akornanni killeqarfiit pillugit isumaqatigiissut**

Katuap siulersuisuisa kissaatigaat Katuap aamma Kalaallit Nunaata Kulturikkut imassutsikkut Illorsua I/S-ip akornanni killeqarfiit nalilersorneqaqqinnissaat. Katuap siulersuisuisa akueraat, apeqqutip taassuma Katuap piginnittuanit Katuallu illorsuartaata pilersitsisuannit inuussutissarsiornermullu aningaasaateqarfiup akornanni eqqartorneqaqqinnissaa. Katuap siulersuisui aaqqissutissanik allanik siunnersuutinik ilanngussisinnavaoq, taamaasilluni suliassat Katuap illorsuartaanut tunngasut eqaannerusumik aaqqigasuarneqarnissaat qulakkeerneqarsinnaammat. Tassunga atatillugu maluginiassallugu pingaaruteqarpoq, killeqarfiit nalilersorneqaqqinnissaanut suliassat saqqummiunneqartut Kalaallit Nunaanni kulturikkut ineriartortitsinermut iluaqu-taaniartussaammata.

## Qujassut

### **Tapersersuisunut aningaasaleeqataasunullu**

Matumuuna ukiumut qaangiuttumut Katuap tapersersuisuinut aningaasaliisinullu, tassaasunut Kalaallit Nunaanni Namminersornerullutik Oqartussat, Nuup Kommuunitoqaa – maanna Kommuneqarfik Sermersooq, Air Greenland, Royal Arctic Line, NAPA, Nunafonden, Tele Greenland, Nuuk FM aamma Katuaqp ikinngutai qujavugut.

### **Kulturikkut kattuffinnut suleqatinullu allanut**

Kulturikkut kattuffinnut suleqatinullu ukuusunut aamma qujassuteqarpugut; Silamiut, Inuit Nunaanni Nipilersortartut Katuffiat (INNKK), Kimik-Kalaallit Nunaanni Eqqumiitsuliortut Kattuffiat, Kaska-Kalaallit Nunaanni Isiginnaartitsartut Kattuffiat, Kalaallit Atuakkiortut, Assilissat, Nuummi Nipilersornermik Ilinniarfik, Unnuk Kulturisiorfik, erinarsoqatigiit allallu tamaasa 2008-mi illorsuarmik uummarissaaqataasimasunut.

### **Katuami sulisut**

Katuami sulisut 2008-mi suliamik annertooujussuarmik tunniussipput. Katuap sulisuinut 2008-mi suliamik annertooujussuarmik tunniussinerannut qujavugut.

## **2009-mi aningaasaqarnikkut ilimasuutit**

Aqutsisut ilimagaat 2009-mi 100 t.kr.-it missaannik sinneqartooruteqarnissaq 26,2 mio. kr.-inillu kaaviaartitaqarnissaq.

2009-mi aningaasanut inatsisikkoortumik pisarnertut aningaasaliissutigineqartartut 2009-mi kommuunimilu missingersuutit 2009-moortut naapertorlugit 9.384 t.kr.-iupput.

2009-mi ukiumoortumik kaaviaartitassat annerpaartaat nipilersortitsinerit isiginnaartitsinerillu, ataatsimiisitsinerit ataatsimeersuartitsinerillu kiisalu filmertarfimmit isertinneqartussatut naatsorsuutigineqarput.

### **Pisut ukiumoortumik missingersuutit naammassereernerisa kingorna takkuttut**

Aningaasat isertitat aningaasartuutillu assigiisinneqarnerisa kingorna ulloq manna tikillugu allannguutinik ukiumoortumik nalunaarummik allanngortitsinnaasunik takkuttoqarsimangilaq.